

Ang Akong Pakigsaad sa Bunyag


Ang pakigsaad usa ka pagsinaaray nga atong himoon ngadto sa Langitnong Amahan. Basaha ang tulo ka butang nga atong gisaad nga himoon kon kita mabunyagan. Dayon isulat kon unsay imong mahimo aron matuman ang imong pakigsaad sa bunyag!

Hinumdomi Kanunay si Jesukristo

Kon makita ni Elena ang uban nga modaog-daog sa usa ka tawo, siya maghunahuna kon unsa ang buhaton ni Jesus.

Unsaon nako paghinumdom ni Jesus:

"Kanunay nga mahinumdom kaniya" (Moroni 4:3).



Pagdala sa Iyang Ngalan Nganha Kaninyo

Si Nana misulti sa iyang higala nga siya sakop sa Ang Simbahan ni Jesukristo sa mga Santos sa Ulahing mga Adlaw.

Unsa ang buot ipasabot para nako sa pagdala sa Iyang ngalan diha kanato:

"Pagdala nganha [kaninyo] sa ngalan ni [Jesukristo]" (Moroni 4:3).



Maghupot sa Iyang Mga Sugo

Si James mipili nga dili motan-aw og bidyo nga adunay dili maayo nga mga pulong ug mga hulagway.

Usa ka sugo nga akong matuman:

"Maghupot sa iyang mga sugo" (Moroni 4:3).



PAGHUPOT SA AKONG MGA PAKIGSAAD

Ania ang pipila ka dugang pa nga mga paagi nga kamo makatuman sa inyong pakigsaad sa bunyag.

Motabang sa mga Tawo

Si Akio mitabang sa iyang manghod nga lalaki sa iyang homework sa math.

Kinsa ang akong matabangan:

"Pagtambayayong sa usag usa nga mga alantuson, nga [kini] mahimong magaan" (Mosiah 18:8).



Maghinulsol Kon Makabuhat Ka og Sayop

Human si Isa misulti og dili mabination nga butang sa iyang igsoong babaye, siya nag-ampo sa Langitnong Amahan. Dayon siya mihangyo sa iyang igsoong babaye sa pagpasaylo kaniya.

Unsaon nako sa paghinulsol:

"Maghinulsol ug magpakatawo pag-usab" (Alma 5:49).



Hupayon ang Uban

Si Lucas mibisita sa iyang higala kinsa ang lolo namatay.

Unsaon nako sa paghupay ang usa ka tawo:

"Paghupay niadto nga nagkinahanglan sa kahupayan" (Mosiah 18:9).



ANG IMONG KOMPIRMASYON

Human sa imong bunyag usa ka naghupot sa pagkapari ang mopandong sa iyang mga kamot sa imong ulo.

Ikaw komfirmahan niya nga miyembro sa Ang Simbahan ni Jesukristo sa mga Santos sa Ulahing mga Adlaw ug mopanalangin nimo sa pagdawat sa gasa sa Espiritu Santo (tan-awa sa Doktrina ug mga Pakigsaad 33:15).

UNSA ANG GISAAD SA LANGITNONG AMAHAN KANIMO

Kon kita mabunyagan ug makomfirmahan, ang Langitnong Amahan mosaad kanato nga magauban kanunay kanato ang Iyang Espiritu. Ang Espiritu Santo magtabang kanato nga mobati sa gugma, kahupayan, ug kalinaw sa Dios. Siya usab motabang kanato nga mobati nga napasaylo kon kita maghinulsol.

Ikaw makakat-on og dugang kabahin sa imong pakigsaad sa bunyag pinaagi sa pagpaminaw sa mga pag-ampo alang sa sakramento matag semana (tan-awa sa Doktrina ug mga Pakigsaad 20: 77, 79).